



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma : Tir Yimyim

tiryimyim@aolima

tir yimyim

TAPAK 8

**Hamas-i rara anentsü atema onük kar
benokba Netanyahu-i magizük**

**Australian Open: Zverev,
Medvedev & Alcaraz quarter-i iogo**



VOL. XXI NO. 100 (ADOK 100) DIMAPUR SANGTENNÜ (TUESDAY)

ANJETI (JANUARY) 23, 2024

₹ 5.00

Nagaland sorkari DRB ajanga constable recruitment melar

Kohima, January 22, 2024 (TYO): Department Recruitment Board (DRB) aser Personnel & Administrative Reforms Department ajanga departments tenet nung constable shimoktsü atema Nagaland sorkari mulunga agizükogo.

Tanü State Cabinet senden amending iba lemtet agi ta Police Headquarters nung Deputy Chief Minister Y Patton-i o jembidang ashi.

Tanga department temji-Prisons, Forests, Fire & Emergency Services, Lokayukta, Home Guards aser Civil Defence lir ta pai ashi.

Cabinet-isa Personnel and Administrative Reforms Department nungi teshimtet nübotem lia

Department Recruitment Board ajanga nisungtem anioxtsü mulunga agizükogo, ta Patton-isa shisem.

"Department tenet nung tesüba küm 3 tashi recruitment mapa kecha meinyak. Cabinet-isa candidates indang arishi küm 3 ajemtsüsü lemtetogo aser maximum upper age limit ji 38

years asütsü" ta paisa metetdaksü.

Centre-i Free Movement Regime agiena Myanmar den international border shibangtsü lemtetba atema Myanmar den arrtsütepa aliba Northeast state temi Centre den jembitsü ta Deputy CM Patton-isa ashi.

Dimapur nung tawa Assam Chief Minister aser North East Democratic Alliance Convenor Himanta Biswa Sarma den state cabinet senden amenba indang asündangdang "Nagaland sorkari Indo-Myanmar arrtsü aliba tanga northeast state tem den senden amentsü aser iba sülen Centre den ajuruteptsü lemtetogo" ta Y Patton-i langzü.

"Onoki ano mejembitep saka tanga northeastern state tem den iba onük lemsateper Centre dangi aotsü" ta paisa shisem.

State sorkari arrtsü aser free movement regime ketdangtsüsü tebilemba lemsateptsü ta DGP Nagaland Rupin Sharma-ia ashi.

Nagaland sorkari national security atema bilema aser külen arrtsülen aliba nübortem taginüba angadanga Indo-Myanmar arrtsü tajungba nung anüktsü ta paisa ashi.

FMR agientsü aser Myanmar den arrtsü atsü dangtsü memelar: NIPF

Dimapur, January 22, 2024 (TYO): India sorkari Free Movement Regime agientsü aser Myanmar den arrtsü atsü dangtsü lemtetba magizükera ta Nagaland Indigenous People's Forum (NIPF)-i ashi.

Nübor lennirtem aser Civil Societies-i Free Movement Regime agientsüba aser Indo-Myanmar arrtsü atsü dangtsüba anema noktaksü mepishir kechiyong January 20, 2024 nü Assam Police Commandos indang Passing out parade nung Union Home Minister-i Centre lemtet metetdaksüogo, ta NIPF-i ashi.

NIPF-isa India sorkar dang India aser Myanmar arrtsülen aliba lisopurtem putiotsü, sobaliba aser inyangsangshi meteta alitsü aser 'imaginary border line' ajanga lemdangba anatsülen kibong ka nungi külem

kinungertem aliba metettsü shiogo.

Mon district, Nagaland kübok Longwa yimtsüng nung Angh'er ki tesadang ka India aser külen Myanmar tsütsü lir. Iba arrtsü ya lisopurtemi memelungi ladangtsüba lir aser iba ajanga linük anatsülen sorkartem den mangatettep adoka lir ta NIPF-isa metetdaksü.

"Centre sorkari Nagaland tsütsü tashiyim agi inyakba mapaji nübortem anemba mapa ka ama züngshitsü. Anungji Centre sorkari Free Movement Regime magiendang aser Indo-Myanmar matsü dangdang tamasa Indo-Naga yimten ken o tembangtsü merangtsüla" ta NIPF President Dr. T. Lima Jamir aser General Secretary Richard Haolai nati sangdong ka nung ashi.

MHA special envoy team-i Manipur semdang

Imphal, January 22, 2024 (Agencies): Hombar nikongdang Ministry of Home Affairs (MHA) züngsem aseami akümba telok ka Manipur tonga aruogo.

Interlocutor AK Mishra-i aniba telokji tayimtsü balaka ajanga Imphal international airport tonga aru.

Iba telok nung Joint Director, SIB, Manipur Rajesh Kumble

as er Joint Director, SIB, New Delhi Mandeep Singh na dena lir.

MHA ketdangtsürtemi Manipur nung tensa asadangtsü aser state nung CSOs lennirtem den ajurutepa tensa osang metettsü merangtsü.

Yaküm November ita MHA ketdangtsürtemisa Manipur kübok Churachandpur district nung lisopur lennirtem den ajurutepa liasü.

Nagaland Police kanga junga kümogo: Deputy CM Patton



January 22, 2024 nü PHQ Kohima nung Deputy Chief Minister Y Patton-i Nagaland Police indang mapatong aika tenzüksü dang agiba noksa angur.

Kohima, January 22, 2024 (TYO): Nagaland Police kanga tejakleni ogo aser law & order tiptema ayuba den nübor tenzüksü temsüa kümogo ta Deputy Chief Minister Y Patton-i ashi.

PHQ Kohima nung Nagaland Police Outreach aser Civic Action cum Beat Patrolling project aser Gas Chromatography Mass Spectrometry (GCMS) lapoktsüba sentong nung Y Patton-i iba osang metetdaksü.

"Nagaland Police Force ajanga parnok teti teinyaktsü inyakba dak alia nübor den sendakteptsü aser tenzüksü inyaker" ta pai ashi.

Outreach Program ya police-public partnership atema nükjidong yur tenzükera, ta Deputy CM Patton-isa ashi.

Mobile canteen contingents ya patrol parties ama inyangsangshitsü aser iba ajanga yimtsüngtem aser police peria malidak yariteptsü. DEFS, NAP aser Indian Reserve Battalion

units ajanga yimtsüngtem nung ozüng alema inyakertem azüoktsü, ta paisa ashi.

Dimapur nung FSL nung GCMS instrument kanga nungdaka aliba lapoker aser iba ajanga forensic investigation tajungba akümtsü aser police o judiciary yaritsü, ta Patton-isa ashi.

GCMS instrument ajanga police-i bushisündang asüba nung teyari angutsü ta Nagaland DGP Rupin Sharma-ia ashi.

"Tesüba nung Nagaland police-i tangalen tendangtsü atema samples yok aser iba ajanga bushisündangba maparen nung tetsükdaksü ajuru. Ajisüaka GCMS instrument ajanga GCMS instrument-i anendaka aliba maparen ita asem tsüngda tembangtsü aser anogoshi ama forensic investigations inyaktsü" ta Rupin-isa ashi.

"Forensic Science Laboratory (FSL) Dimapur ya February 26, 1982 nü Northeast nung Assam

sülen tanabuba ama amenok" ta Joint Director FSL Dimapur, Vilhousie Peseyie-i ashi.

Tanga state tem nungbo kanga menur ang amenok saka tanü parnokbo Directorate of Forensic Science balaka lir aser nungdakba equipment lir, ta pai ashi.


Forensic wadang tsütsü Nagaland-i tanga state tem memeneper saka GCMS machine amenokba ajanga narcotic division-i drugs ajak tendangtetsü ta Peseyie-isa ashi.

Iba sentong nung Deputy CM Patton-i Chiephobozou Police Station, Kohima nem Nagaland Best Police Station award agütsü.

Iba sempet ya Union Ministry of Home Affairs ajanga bushitetba Annual Ranking of Police Stations for 2023 nung ajemdaker agütsür.

Sentong nung mendenji IGP Jasbir Singh liasü aser Additional DGP (Adm) Renchamo P. Kikon-i anküp tepela o jembii.

PM Modi-i scheme tasen ka tenzüksü lemtet



New Delhi, January 22, 2024 (Agencies): Hombarnü Prime Minister Narendra Modi-i Ayodhya nungi aruba sülen nübortemi pei pei kidang solar panels enoktsüba indang scheme tasen ka tenzüksüogo.

"Alima nung tekülemer ajaki Suryavanshi Lord Shri Ram indang tesangwa nungi tashi angutsü tangatetba nung iba lemtet agi" ta PM Modi-i ashi.

"Ayodhya nungi aruba sülen

ni mezüngbuba lemtet agibaji ozü sorkari Pradhanmantri Suryodaya Yojana tenzüksüba lir aser iba ajanga ki crore 1 nung rooftop solar enoktsü nükjidong lir" ta pai metetdaksü.

"Iba ajanga sensaker aser middle class pur electricity bill ajema akümba dang masü saka energy wadang tsütsü India self-reliant akümtsü" ta Modi-isa ashi.

Hombarnü Ayodhya nung PM Modi menden ser Ram temple

meshitetba sentong agia liasü.

"Ram ya mi masü saka pa ya tashi ka lir. Ram ya mangatettep masü, pa ya lemtet ka lir. Ram ya asen meyong dang masü, pa ya ajak meyong" ta Prime Minister Modi-i ashi.

"Tanü asenoki Ram Lalla indang süngyanglu indang pran pratishtha anguba dang masü saka India telongjem raksatsüba makokba pran pratishtha nguogo" ta paisa ashi.

Khensa yimdak Viksit Bharat Sankalp Yatra agiogo



Khensa yimdak January 22, 2024 nü Viksit Bharat Sankalp Yatra sentong nung Advisor, IPR & Soil & Water Conservation, Nagaland, Imkong L. Imchen-i jembidang tangokba noksa ka yangi angur.

Dimapur, Aenjeti/January 22 (TYO): Government of India ajanga November 15, 2023 nü tenzükba Viksit Bharat Sankalp Yatra (VBSY) sentong Mokokchung district kübok Khensa yimdak January 22, 2024 nü agia liasü. VBSY ya central sorkar indang scheme balala nungi linük tesem ajungalen nüburtem ajangzükdahtsüsü nükjidong nung awareness campaign ka amai lir.

Iba sentong nung jembidang Advisor, IPR & Soil & Water Conservation, Nagaland, Imkong L. Imchen-i ashiba agi, India Ato Kilonser mangdang ya linük nüchiso ngur 2047 nung küm 100 ajungdang linük ya

'developed entity' ka kumdaktsür linür aser iba yongji jila aser yimtsüing nung alirtem rongsenketzüing tsütsü tetsüingta mali kasa kumdaktsüsü, rongsenketzüing, loktiliba, lipajen aser yimtenren tsütsü terenlok lidaktsüsü meranger.

Paisa iba sentong nung adenba Village Council tem dang pei yimtsüing nung department balalai Central Scheme tem mapa kuma inyakba osang lemsateptsü ashi.

Advisor Imkong L. Imchen-i anir sentong nung adenr temi Viksit Bharat Sankalp Yatra indang tezüingzüktepa agia liasü.

Iba sentong nung Scheme balala nungi teyari agirtemi

takok balala anguba otsü ashi, sobaliba yimya balala nung shilem agir, department balalai takoker nem sempet agütsü, Scheme balala indang awareness agütsü aser Ato Kilonseri VBSY indang jembida recorded message anga liasü.

Maneni iba sentong nungsa photo session aser quiz competition agi, Aadhar, PM-UJJWALA, PMMVY aser scheme balala atema on-spot registration, health camp aser TB screening agia liasü.

Iba sentong nung menden Seyevilie Pfkuri, EAC liasü aser Asst. Commissioner, Mokokchung, Ajit Kumar, IAS ajanga melezüing o jembida liasü.

Gorkha Singhadevi Mandir Kohima nung sentong agi

Kohima, Aenjeti/January 22 (TYO): Ayodhya nung Ram Mandir meshitetba nungtem nung Gorkha Public Panchayat Kohima (GPPK) aser par lokti tentet balala kübok Gorkha Singhadevi Mandir Committee Chandmari ajanga sentong ka ayongzükba liasü.

Iba sentong ya Gorkha Public

Panchayat Kohima indang Multi-Utility Hall nung agia liasü, kong IGP Nagaland, Khalate Vikram Mukundrao; Principal Director of School Education, Thavaseelan K.; SP Kohima, Bharat Laxman aser Durga Mandir Samity tir Sudipta Kumar Dey nungertem dena Ram Mandir meshitetba sentong live

screen nung repranga liasü.

Iba sentong live screening nungya Minister, Tourism and Higher Education, Temjen Imna Along-a arua dena liasü.

Iba sentong ya GPPK tir Santu Thapa lenisüba kübok agi aser Gorkha Singhadevi Mandir Committee Milan Sunam-i melezüing o jembida liasü.

District administration aser DHEW ajanga marathon ayongzük



District Administration aser District Hub for Empowerment of Woman (DHEW), Longleng ajanga January 22, 2024 nü ayongzükba marathon race nung shilem agirtem den DC Longleng, Dharam Raj, IAS noksa nung angur.

Dimapur, Aenjeti/January 22 (TYO): National Day of the Girl Child nungtem nung District Administration aser District Hub for Empowerment of Woman (DHEW), Longleng ajanga January 22, 2024 nü "I Came, I Ran, I Finished" omen nung ajemdaker Longleng nung marathon race ka ayongzükba liasü.

SDO (C) aser Nodal Officer BBBP (Beti Bachao Beti Padhao) Longleng, Meyazungba Jamir-i iba sentong nung o tatsüka jembidang, shisaliok tsütsü Nagaland nung teburtem dang nungi tetsürtem tajungba lir, ta ashi.

Shisaliok tsütsü tetsürtemi

state amokbangtsü, kechiaser shisatsü nung tashi lir aser shisaliok ajanga ajak koktettsü, ta ashi.

Beti Bachao Beti Padhao tetetzü tetsürchanu kumzükang aser lenla ajak nung tetsürchanu temaba jenjangi ajungketang ta ashirba lir, tetetzü asenoki aroka shisadanga mera agütsü nüngdaker. Aser ajakji tilatiba, kibong nungi tenzük, ta Meyazungba Jamir-i ashi.

Tetsürchanu nem takoktsü lenmangtem agütsüsü, la temeden indang angatetdahtsüsü ya kibong teinyaktsü lir. Teburtemi tetsürtem yaritsüla aser parnok nem shisaliok agütsüba den

külemi par temeden wazüka ayutsü asen mapa lir, ta paisa ashi.

Deputy Commissioner Longleng, Dharam Raj, IAS ajanga iba marathon tenzüktsü.

Iba sentong tenzükba Shingyom, Deaconess Longleng Town Baptist Church ajanga sarasadema liasü.

Iba asemtepa ya NST junction nung tenzük aser Lempong junction tashi asemer NST junction-i meyipa aru.

Iba asemtepa nung Shauli ward nungi Eimei Angloi C ajanga mezüingbuba jenjang ngutet, PPC ward nungi Yunglei L aser Bahonk ward nungi C Chunggoi nati tanabuba aser tasembuba jenjang nguteta liasü.

MCCI-i Mokokchung Mega Job Expo yarir

Dimapur, Aenjeti/January 22 (TYO): Mokokchung Chamber of Commerce & Industry (MCCI) ajanga mezüingbuba Mokokchung Mega Job Expo ya nungiter ta sangdong ka ajanga ashi, koba Mokokchung District Planning and Development Board (DPDB) indang mapa tasen ka lir aser Fazl Ali College (FAC), Mokokchung nung January 30-31, 2024 anogotem agütsü sentong lir.

'Connecting Careers' omen nung ajemdaker iba sentong ya Deputy Commissioner, Mokokchung aser Mega Job Expo Planning Committee chairman, Thsuvisie Phoji lenisüba kübok ayongzüktsü lir.

Mapa bushirtem, entrepreneurs kumnerem aser pei sempet sayutsü janrarterem asoshi iba Expo ya jenjang tulu aketba sapang ka asütsü. Lanurtem career tsütsü

lenmang balala bushitsü aser ano shisaliok aser senotsü tsütsü lenmang ngutettsü asoshi ibai maongka tajung lir, ta MCCI ajanga ashi.

Iba Expo nungya corporations aser financial institutions balala nungi nübu bushirtem arutsü jangjaogo aser parnoki temsüa aliba candidate tem nem mapa, loan, financial literacy training aser job placement training agütsüsü, ta ashi.

Mapa bushirtem mesüra pei entrepreneurial skills tajungba akumtsü teimla alirtemi iba sentong nung shilem agütsüla.

Iba Mokokchung Mega Job Expo ya Mokokchung nung alirtem atema kisüing masü saka Nagaland nung aliba district mashi nungi Naga nungner ajunga atema lir, ta ashi.

Anungji temsüa alir ajak tenüing züluoka iba sentong nung shilem agütsü ayongzük, ta MCCI sangdong ajangasa ashi.



Tzüdikong, Jan. 22, 2024 : AYUSH Health and Wellness Centre, Tzüdikong nung koda masüba mapang shirangertem taküm kumzüktsü asoshi kanga nüngdaka aliba mapang ka nung Women Health Committee Tzüdikong (WHCT) telok ajanga Oxygen Cylinder ana den Oxygen Regulator aser Oxygen mask ana tenla agütsüogo. Iba tenla agütsüba mapang Dr. Senwatila, aser AYUSH Health and Wellness Centre Chairman Shri L. Imna Jamir den WHCT aser mozüki nung inyakertem den külemi agiba noksa nung angur. Iba mapa tajung asoshi WHCT telok dang kanga pelar ta Centre Chairman ajanga sangdong ka ajanga metetdahtsü.

Angh-i Kohima nung Pran Pratishtha sentong agi

Dimapur, Aenjeti/January 22 (TYO): Ayodhya nung Ram Temple meshitetba repranga Lord Shri Ram nungi temoatsü meshia külemkeja liasü.

Angh ya meina Commissioner & Secretary for Youth Resources & Sports aser Secretary to Governor mapa densema bena alisang Wezope Kenye, Joint Secretary to Governor Mhomo Tungoe aser dangar ketdangsurtem oa liasü.

Iba mapang pai puja agiba sülen Pran Pratishtha sentong live-telecast repranga liasü.

Iba anogo lenla balala nungi

Longleng nung National Day of the Girl Child amungtsü

Dimapur, Aenjeti/January 22 (TYO): District Administration & District Hub for Empowerment of Women (DHEW) Longleng ajanga January 24, 2024 nü DPDB Hall, DC Complex Longleng nung National Day of the Girl Child anogomung amungtsü.

Iba sentong nung Longleng jila kübok kaket reju shia nungi tetsür kaketshir pongu den teacher-in-charge arua adentsü metetdahtsüogo.

Kasa anogo Father-Daughter Photography competition aser Marathon race nung takok angur nem sempet agütsüsü.

Nagaland calendar/diary tayoktsü lir

Dimapur, Aenjeti/January 22 (TYO): 2024 Nagaland calendars aser diary tem tayoktsü atema DPRO office, Dimapur nung angütsü.

Tejangrar/taginer temi

office mapang arua alitsü akok. Office ya Railway station jakdang Royal Palace Hotel anasa lir, ta DPRO Dimapur sangdong ka ajanga ashi.



MEGA JOB EXPO 2024

MAPA AGÜTSÜDAK

AN INITIATIVE OF THE
CONNECTING CAREERS MOKOKCHUNG DISTRICT PLANNING & DEVELOPMENT BOARD AND DISTRICT SKILL COMMITTEE

30 -31 JANUARY 2024 10:00 AM - 04:00 PM

FAZL ALI COLLEGE, MOKOKCHUNG

- TAZÜNGER ASER MAZÜNGER AJAK ATEMA – MAPA ANGUDAK !
- MAPA ATEMA SENOTSÜ BUSHIYIM ASER AMSHIYIM ANGAZÜKDAK !
- NAI YANGLUTETBATEM TESEM BALALA NUNG AYOKTSÜ

YANGI JELIA REGISTER ASÜTSÜ AKOK CONNECTINGCAREERS.ORG!



MESÜRA IBA QR CODE NUNG TANG SCAN SER SIGN SANGMA

EVENT PARTNERS



LOGISTICS PARTNER **MEDIA PARTNERS**

 jobexpomkg@gmail.com

 +91 87308 65974
+91 82570 46496

Muslim nungertemi Ayodhya nung May ita nungi mosque ka asütsü



Ayodhya nung asütsü aliba Mosque 'design'

New Delhi, January 22 (Agencies): Ayodhya nung Muslim nungertemi May ita nungi mosque ka asütsü sentong renemdar; ajüsüaka iba mosque dang Babri Masjid majatsü.

Indo-Islamic Cultural Foundation (ICF) nung development committee tongti, Haji Arfat Shaikh leniba nung mosque project tenzüksü.

Osangbener den jembidang pai, Ramadan temeshi ita sülen May ita nungi mosque asütsü project tenzüksü tebilemba lir, ta metetdaksü.

1992 küm December ita nung Ayodhya nung Babri Masjid raksaja liasü, ajüsüaka mosque tasenba dang Babri Masjid ta majatsü.

Ainkar Mohammad nungtem nung mosque tasenba dangji "Masjid Muhammed bin Abdullah" ta ajatsü aser iba project renemtsü atema küm asem-pezü shi agitsü, ta paisa metetdaksü.

Ayodhya nung Aso 16buba mapang asüba "Babri Masjid" ya India nung Mughal yimli yangersang Babur chuba nungtem nung ajaba liasü.

Aso 16buba mapang asüba Babri Masjid ji 1992 küm Hindu

nungertemi raksaja liasü; linük tesem ajaklen raraba mapang nung nisung 2,000 jungnüa asü.

Hindu nunger aikati Ayodhya ya Ram asoba tesem lir, aser bendanger Muslim nungertemi Ram tekülem ki tejen nung Babri mosque asü; aser iba tesem ya Ram asoba tesem lir ta amanger.

2019 küm Supreme Court-i, 1992 küm Babri Masjid raksatsübaji ozüing alema lir, ta metetdaksü, ajüsüaka Supreme Court-isa Babri Mosque telung nungji Muslim nunger meyong masüba kiojen liasü, ta metetdakja liasü.

Item kuli nungji ajemdaker Supreme Court-i mangatetep aliba li nungji Ram tekülem ki asütsü obendang agütsüba den külemi India sorkar dang Ayodhya nungsa masjid ka asütsü atema Muslim nunger nem ali acre 5 agüjang, ta tuyua liasü.

Supreme Court-i iba obendang agütsüba sülen kobi melii Ram tekülem ki asütsü atema maparen tenzü, ajüsüaka Muslim nungertembo senotsü tsütsü timtem ajangshiba den külemi kilometer 25 pilar aliba tesem ka nung ang masjid asütsü lemzüksüba ajanga timtem ajangshia aruogo.

Ram tekülem ki semzükba ya putu tasen ka tenzüker: PM Modi



January 22, 2024 nü Ayodhya nung Ram Mandir semzüksü lia tangokba noksa nung angur.

Ayodhya, Aenjeti/January 22 (Agencies): Hombarnü Ato kilonser, Narendra Modi-i, temeshi yimti Ayodhya nung Ram tekülem kidang Ram Lala sünyanglu meshitetba ya khenyongi balaka aser kodanga mamatetsü mapang ka, ta ashi. Ayodhya nung lokti den jembidang Modi-i, "Tanü linük tesem ajaklen aser alima tesem balala nung Ram tsüngrem külemertemi puti otsü mapang ya mamatetsü, ta ni amanger. Iba mapang ya ajak rongnung temeshitiba mapang lir," ta ashi. Modi-isa, "Putu aika ataba, aremzüka aser tenlaba sülen tanü kibuba Ram aruogo. Iba ya putu tasen ka tenzüker, joko Ram Lalla süki nung malitsü,"

ta metetdaksü. Modi-i, "January 22, 2024 anogo ya calendar nung anogo ka dang masü saka putu tasen ka tenzüka anogo lir," ta ashi. Ato kilonserisa, "Nisungtemi iba anogo ya bilemtetsü aser iba mapang ya küm meyrjang aika sülen-a bilemtetsü. Tanü iba sentong nung kulisüa adentsüsa tanü asenok taküm aliba ya kibuba Ram nungi temoatsü ka lir," ta ashi. Modi-isa ken o angadanga mapang nung Supreme Court-i Ayodhya nung Ram tekülem ki asütsü atema obendang agütsüba atema Indian judiciary dang pelaba lemsatöp. Küm aika Ram tekülem ki ken o jembia aruba dak

sendakba nung pai, "Kibuba Ram aliba ken o küm aika jembia aruogo. Indian judiciary-i ochi temeden agütsüba atema parnok dang ni pelaba lemsatöp," ta metetdaksü. Hombarnü Ram tekülem ki semzükba sentong nungji RSS tongti Mohan Bhagwat, Uttar Pradesh Angh Anandiben Patel, Uttar Pradesh Chief Minister Yogi Adityanath nunger densema tongti ketdangsertem aika liasü. Iba sentong nung tejaoker 8,000 dak tema aden. Shri Ram Janmbhoomi Mandir ya metong nung süklep 380, lenden nung süklep 250 aser azüklen süklep 161 asü. Tekülem kiji tongshi 392 aser kishi 44 keta yanglu.

Mumbai Marathon nung shilem agir ana asü; aika hospital nung mongdar

New Delhi, Aenjeti/January 22 (Agencies): Amongnü Mumbai nung TATA Mumbai Marathon nung shilem agia asemer arrshi küm 74 tambur ka densema nisung ana asü aser nisung 22 hospital-i anir oa treatment agidar.

Kolkata nungi arrshi küm 40, Suvradeep Banerjee-a marathon nung shilem agidang asü.

Software engineer, Banerjee Haji Ali Junction anasa ondaka asü aser arrshi küm 74, Rajendra Bora Marine Drive tiplen petrol pump ka anasa asü.

Iba dak alia Marathon nung shilem agir nisung 22 hospital-i anir ao.

Iba marathon nung Ethiopia nunger Hayle Lemi aser Aberash Minsewo nati takok angu.

India nung ano nisung 203 dak Covid putet aser nisung ana asü

New Delhi, January 22 (Agencies): Tesüiba ghonda 24 tsüngda India nung ano nisung 203 dak Covid putet aser ibaji densemabo tang linük nung Covid agi teshirangdakpur 2,034 jungogo, ta Hombarnü Union Health Ministry-i metetdaksü.

Tesüiba ghonda 24 tsüngda linük nung Covid agi shiranger ana asü; Kerala aser Maharashtra na nungi nisung kaka asü, ta kasa osang ajanga metetdaksü.

India nung COVID-19 shilem asembe proka liasü;

2021 küm April nungi June ita tsüngda Delta wave mapang nung anogo shia nisung teimtiba dak covid putet aser teimtiba asü.

Linük nung iba wara tamajungtiba mapang anogo ka kija nung nisung teimtiba dak covid putetba anogoji 2021 küm May 7 nü nisung 4,14,188 dak putetba liasü aser kasa anogo nungji covid agi nisung 3,915 asü. Linük nung nisung crore 4.50 dak covid putetogo aser iba tashidak agi shiranger lakh 5.30 süogo.



TIR YIMYIM YIMOBILEM (EDITORIAL)

DIMAPUR SANGTENNÜ, JANUARY (AENJETI) 23, 2024

Modiba tamang

A mangli amangerbo yamaisa amanger ati ta asütsüsa India ato kilonser Narendra Modii mapa agi inyaka sayuba ya asenok asoshi tatishitsü aser tayongzükba tuluka asütsü. Pa linük nung ato kilonser kümer temelenshi bener arubatem reprangdangra yimten aser rongsenren tsütsü dang nungibo Hindu tamangba yimsü akangshia amangdaksütsü asoshi inyakba mapatem nungang temulung tagütsüba aser tuluba inyakba angur. Aji oda, pa mapang linük nung Hindu nungertem tanga tamangba yimsü agizüktsü nokdangba, linük nung senso ajak asoshi sobaliba temzümng ozüng kasa latettsü merangba aser talisa Muslim limatem nungi Hindu nungertem anir arua India nung senso kümdaksütsü asoshi temeten agütsüba mapatem ajakji Hindu yimsü aser Hindu nungertem asoshi tajung inyakba mapatem asütsü. Atangji, Hindu yimsü keta sena amangba nisung kati Hindu yimsü wazüka ayutsü merangba aser renlokaksütsü merangba nungji kecha tai mali. Ibaji asenoka 'Nagaland for Christ' ta ser Nagaland nung Yisu temeim yimsü renlokaksütsü merangba amato lir. Aji oda, Narendra Modi yabo linük nung ato kilonser masü saka Hindu Evangelist-ang ka mesük. Iba tamang jagi pai nübertem dang nangzükba ama par tsüngrem Ram asodak Ayodha nung sen crore 1800 jenjang Ram tenla ki ka kanga junga yannglur yashi meshitetogo. Iba tenla ki meshitetba anogo aser mapanga pai linük nung central office aser bank ajak shibanger pei alidak tenla ki meshitetba nung shilem agitsü asoshi sangdongbaji, alemli Babylone yimli nung Nebukednezzar-i pa süngyanglu tuluka yanglur nübertem ajak dang iba süngyangluji külemtsü ozüng agütsüba amai lir. Atangji, ato kilonseri kanga temulung agüja inyakaka, Ayodha nung Ram mandir ya government sen agi yanglubabo masü saka linük ajungalen nungi temulungertem tenla bendena yangluba mapa ka lir. Iba tenla ki yanglutsü asoshi Sri Ram Janmabhoomi Teerth Kshetra Trust ajang bendenba senbo ajak agi crore 5500 shi bendena lir ta angazüker aser Ram tenla ki rangbenbo 2025 küm tatemlenang renemtsü sentong lir. Iba Ram tenla ki yanglutsü atema tenla agütsürtem rongnung Naga Khristantem rongnunga yimsüsür karibo tenla tulu agütsüba nguogo. Ibaji ato kilonser peladaksütsü agütsü asü mesüra par yimsü agizüker Ram peladaksütsü agütsüar tetenlari dang metettsü. Iba nungji asenoki Yisu dak amangba tamang o Modibai Ram dak amangba tamangba na tepila metetter. Temetet Modibaibo anepdang kecha chia majemdang aser yimten mapa metenzükdang par tsüngrem süngyanglu tsüngdang ghonda junga tekülem mapang agia alitsü. Kasaji, election mapa tenzükdanga parnok tamangba yimsü nung temeshi yimti bushia oor tenla kidang külemküja mapang agir. Aji oda, Modibai prime minister teinyakdak nung ki ka asübaji par nija ki masü saka Ram tenla ki ya asütsü. Atangji, putir masü, yimten yimsüsür aser kibong kümdanger kati tenla ki meshitet dak tongti shilem agibaji tamangba yimsü nung inyakyim shitak masütsüa akok, saka ki meshitetbaji masü saka tenla ki yanglutetbaji lir. Ibaji dang masü tamangba yimsü tapu ajak alidak lima aser temzüngia tamangba yimsü tsütsübo pei tangatetba aser pei tamang yari külemtsü aser proktsü melaa aliba lima ka nung, nütsüng teimba purtem meyonga süaka Hindu tenla ki ka meshitet dang linük nung senso ajak mapa meinyaki atatsüabajibo Ram tsüngremia memulungi alitsü südi. Atangji, asenok kong lidir liaka nütsüng teimba aser kin tuluba akümtsüba alitsüla aser kin tulutemia tilatem züngshitsüla. Aji oda, ato kilonseri par yimsü kanga ketasena tsüngrem külembaji junger, saka pei yimsü renloknu dang tangar yimsü dak amangertem reshikangshira aser chiyongtsü dena sadema mechitetsüsa aser meyoktetsüsa ozüng zünga yutsüra, ibaji yimsü tamajung aser linük temzüng nükmän anema inyaker asütsü.

OLEMSABANG

AJAK TEMESHI TETEMSÜ TABO MASÜ

~ P. Renthly Jamir

Ni osang kaket nung NAGA NUNGER LEMTET LENDEN ta sür asen Naga lima teraksa indang tatongi lokti telemsa tapu tongtibang kar tuteta zülu. Lokti ajak nung tajungersa teimba lir. Saka teraksa indang zülur asünung tamajunger tesa ama zülur. Kechiyong teraksatemji melenshidaksünür. Saka item lokti balala rongnungi lokti ka nungi tezüluri tai züluogo ta osang aika aru. Aser nisung kar kenyongi tai makar taküm temsüa alir mulung yirubatem liasü. Saka ni küm 28 taküm temjena tesayur inyakba anema mesüra tebua Theology azüng, par chira ana asem Theology azüngba anema aji tai ta-a mezülu. Pei kibong mesütsü tesayur inyaker, par kibongi tebu techir ajak Theology azüngtsü jangrar, itemji aitsütsü menüngdak ta bilemer. Meimchir yimya agi asen taibo aseni mangur, tangar taibo aseni angur anungji nibo, onokbo khenyongi tai mali ta zülutsü, jembitsü tasak lir. Taoba India President Dr. S. Radhakrishnan shiba küm 12 tashi Khristan institution nung zünga Laishiba nung mongin takotet ka liasü pai Religion indang nung yamai zülu, "We do not wish to confess our deeds and misdeeds in public, we are inclined to show to the world more of our success than our setbacks, more of our gain than of our losses." Takokba indangang alima dang sayunür, tamakokba ta mesayunür aser ya tai ta menanzükünür.

Nagalandji Khristan state ka asünung Rev, missionary, pastortem ya nübur tila tulu ajaki akümtsübur. Aor Sobaliba nung Ao oshi wazüka ayutsü bangpet jembar. Anungji yimer ex-minister, MLA, officer tulur ajak dang oko ta odi ta anük, tebo ta ajar saka Reverendba o pastorba na dangbo Reverendba, pastorba ta ajaki ajar. Aji akhüm tetushi ulura. Kohima nung office nung mena alidang Kuki nung onok office Superintendentba par jala satitsü card ka bentsür menürema aru. Aser pai ozü jala nenok Aor par yimer ka den satitsü ta ashi, ni aji onok yim anasatepa alir ta ashi, idangji pai pelashishia par yimerbo Reverendsa pungo lir ta ashiato ta ashi, par yimer Chief Secretary-i anir IAS wala paikaji lir ta pai mashi. Alimai Reverendtemji yamaji züngshir aser aji tim ta bilemer.

Yamaji nüburtemi züngshir süra Naga nung Theology nung Doctorate ngua Reverend angur kar inyakyim lemsatepnür. Kodang Nagaland University Vice Chancellor shimba nung kin lemsar atsütep NBCC General Secretary Rev. Dr. V.K Nuh pai Prof. I. Yanger shimba nung 19-09-1994 yamai zülu. Paji tazüngba peria mali aser administration nung metemsü, inadequate academic qualification and administrative experience. Ano S.C Jamir mapang kodang K. Therei Congress party nungi aridok Rev Dr. Nuh NBCC General Secretarybaisa 01-06-2002 nung yamai zülu. Nagaland is not a gift from India. If Chakhesang people are silent over K. Therei episode then Chakhesang People Organization must be ashamed. Saka kodang Riobai K. Therei aridok, idangjibo Nuhba mali aküm. Naga nung Baptist telok tekolakbai anir telok raratepa alidang Reverend tulubai milongsangsa majemshitsüla ta bilemer. Tangar denomination nungbo yamala tatok meshidaksür. Asenok ya, Religion today is a branch of statecraft, a plaything of politics. Tia maka state government nung amshitsü oset ka dang kümogo. Aser aji item inyakyim yagi sayur.

Ano tatalokba ka bener arunür, Dimapur police-i 02-12-2023 nung asen Naga nung pastor ka apu. Pa tenüng Timothy Joshi ta-a amshir, ano Joshua ta-a ajar. Pa ya Reverend ka New Life Church Ministry Kantibhiti Darjeeling nung oa pastor inyaker. Reverendba yagi parnok yaritepa alir Naga tsür tamanger tajung ka ashiokja sen Crore 22 meyipa angutsü ta sür sen Crore 4 meshi saka lai Crore 3 sür lakh 50 dang agütsü. Iba sen (22 Crore) bushitep nung yazü asü aser phone ajak number melena adok nung police dang shir police-i bushia apu. Police-i ashiba agi Reverend Timothy tebu ya-a Reverend pa teti tenu nung ajakji arogo tenzükba wadang nung tongti shilem agia inyaker tesa. All were actively involved in church ministry. Ano parnok ajak yagi Northeast statetem nung yamala nübur ashioktsüba mapa yakyaka inyakteper. Anungji nübur ajak kümdanga mita alitsüla ta policetemi kasa sangdong nungsa ayongzük. Asenok ya pei temelija ya kü indang ta meshitetba putu ka nung alir. Joko Reverend tem dena tsübuba lima ka kümogo. Anungji onokbo, nibo, ozü kibongbo kecha tai mali ta mesüra tangar ka metenja ayimtentsü menüngdak ta bilemer. Kechiyong kuli bushitepdang temeden mungui aiatokra koda asütsü, tajunger tai terakata malir, aika aliyonga mabensa metokmeperirjia karbosa alir. Kechiyong alima meimchir asünung ajak temeshi tetemsü tabo masü.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Hindu teloktemi Tenla ki pezü nung 'saffron' wako songa yutsü



January 21, 2024 nü Madhya Pradesh state kübok Jhabua district nung aliba Protestant Shalom Arogo Tenla ki kolak nung Hindu nungertemi 'saffron' wako songa yutsü dang tangokba noksa nung angur.

January 22, 2024: Madhya Pradesh nung Hindu yimsü alia amanger teloktemi Khristantem Tenla ki pezü nung 'saffron' wako songa yutsüba sülen Khristantemi Hindu nunger aibelenertem nemji temerenshi agütsütsüla, ta takhangba agütsü.

January 21, 2024 nü Madhya Pradesh state kübok Jhabua district nung right-wing Hindu züngsemtemi Tenla ki kolaki tua parnok indang saffron wako songa yutsü. Iba district nung tribal nütsüng teimba lir.

Khristantem anema kanga bulua inyakba Madhya Pradesh state nung tang Modi'er Bharatiya Janata Party (BJP) sorkar lir.

Hindu züngsemtem jagi 'Jai Shree Ram' ta ayimdena Protestant Shalom Arogo meyong Tenla ki asem aser Church of South India indang Tenla ki ka kolak nung parnok wako songa yutsü.

Shalom Arogo nung putir, Paul Muniya-i, "Onoki police nem ibaji metetdaksü saka

parnoki onoki ashishibaji agizüktsü memelung," ta metetdaksü.

Tenla kitem nung Hindu nunger wako songa yutsüba ya Uttar Pradesh kübok Ayodhya jila nung Ram tekülem ki semzükba benjung dak sendakba asütsüa akok, ta Arogo lenirtemi bilemer.

Aso 16buba mapang nung Muslim nunger Babar chubai yangluba Babri Masjid 1992 küm bendoktsüba sülen kasa tesem nung Ram tekülem ki yanglua January 22 nü semzükogo.

Ato kilonser Modi-i nüburtem dang iba anogomong nung pei kidang ki süboutsü inoktsü aser totzü milen tsükloksü mepishia liasü.

Shalom Arogo nung Bishop Muniya-isa, "Onoki maneni police department nung temaba ketdangsertem nem ken o agütsütsü. Onoki aginüba ama telangzüba mengura onoki court nung ken o benoktsü," ta metetdaksü.

"Parnoki inyakba mapaji onoki video-a tangoka lir," ta

paisa metetdaksü.

Osangbener den jembidang police ketdangser kati, "Tenla ki asem nungi saffron wakoji agientsüogo, aser tanünga Tena ki ka nung aliba wakoji agientsütsü," ta metetdaksü.

Jhabua Catholic diocese nung public relation officer, Rockey Shah-i aibelenertem nem temerenshi agütsütsüla, ta takhangba agütsü.

"Nisung kari linük nung yimjung aser tesünep raksatsütsü meranger," ta pai ashi.

Jhabua district nung Hindu teloktemi 'Ghar Vapasi' campaign kübok lisopur Khristantem Hindu yimsü dangi meyipdaksütsü meranger.

Madhya Pradesh densema tang state 11 nung anti-conversion ozüng benoka lir, aser item ozüng nung ajemdaker Khristantem aser Muslim nungertem anema ken o benoker.

Nütsüng million 72 aliba Madhya Pradesh state nung nütsüng shilem 0.29 dang Khristantem lir.

Amazon MGM aser Wonder Project nati 'House of David' atema longjemer

January 22, 2024: Amazon MGM Studios aser The Wonder Project nati longjemer 'House of David' series tenzüker aser iba ya Prime Video nung dang sayatsü.

'House of David' ya mapang ka nung tashi tulu aliba Saul Chuba pa mezümeüküm ajanga laoba indang otsü lir. Ainkar kati pa atsüngdoktsü atema renema sannüker David Israel chuba asütsü atema mezüja shimteter. Saul tamajungba-tamajungba dang jashiba mapang nung David-ibo temeim dang proker. Iba series ya Chuba ana aser yimli ka asübayong tongbang raraba indang lir.

Producer, Jon Erwin aser entertainment executive Kelly Merryman Hoogstraten na leniba nung Wonder Project-

isa tanela jenjang aintsü nükjidong nung series aser films aika yanglutsü.

The Chosen indang producer aser director, Dallas Jenkins-a The Wonder Project nung shareholder ka aser special advisor lir.

Amazon MGM Studios nung head of television, Vernon Sanders-i, "Onoki Jon, Kelly aser Dallas nunger ajuruba mapang nung parnoki The Wonder Project atema mangdang tejangja ayuba onoki meteta liasü. Parnoki temeim, tepela aser tanela jenjang aintsü otsütem sayatsü nükjidong lemsatepba ajanga onok kanga ajungmeso," ta metetdaksü.

Kelly Merryman Hoogstraten-i, "The Wonder Project nung onok nükjidongji

tamang jenjang tanaben asüngsashidaksütsü atema amangtettsüsa otsü lemsateptsü asoshi lir. Onoki iba ya inyaktettsüsa Amazon MGM studios-i yariba atema pelar," ta metetdaksü.

"Iba tezüngzüktep kübok mezüngbuba project ji 'House of David' lir. Iba ya WONDER Project atema alizüng ka tongtetba lir. Onok angatetba aser onok mission nungitba company ka den külemi inyaksü, anungji onok kanga pelar," ta The Wonder Project nungi Jon Erwin-i metetdaksü.

'House of David' series adoktsü atema Jon Erwin-i mezüng apiteta liasü. Iba project nung executive producer temji pa den Chad Oakes, Mike Frislev aser Jonathan Walker nunger lir.

ANOGO ABEN TSÜNGREM DEN

Jungtepshia liang

Tenladak madak ne tenla tokjang aser oang, aser tamasa ne adianu den jungtepang, ajiser arung aser ne tenla agüjang. Mathi 5:23,24.

Ne adianutem den tsükchitepa yur tenla agütsübaji tagizükttetsü tenla masü. Yisui Pa sülen anidakertem dang kar anema langka ta lira parnok den jungtepang ta ashi. Alima telemtetba ka yur jungteptsü bushir Khristantemi kechi südir süaka jungteptsüla.

Nenoki ashir, "Saka nenoki ashir pai ni koda yirutsü nai memetet! Onok tesendaktep jungshiteptsü kuli maka." Mesüra, "Ni merangogo saka lai au masü." Jungtepba alitsü asoshi Yisui talila o meinoki. Ne tsükchir dang meimang ta dang Yisui ashi (Matt. 5:44). Pai na rishikangshira pa dang meimang. Pa atema sarasademjang ta dang ashi (Matt. 44). Yimjak nung na mak südaktsüra nai meyipa telangzü (t. 39). Kari ne dang langka meshira talila agüjang (t.41). Alimai sayur "Na atema liang." Yisui sayu, "Ne sasa tila kümang."

Na ajemzüktsütsü ta alimai tekümdangtsü agütsür. Yisui Pa nütsüngtem dang junga benshitsüla ta mebilem saka parnoki ajak den jungtepa alitsü bilemetsü. Nisungi pa dak metsü metsüloktsü aser kangki nung angenlok. Pai kechi langzü aji asenok yimya (model) lir: "Oba, parnok dang tai tokang, kechiaser parnoki kechi inyaker aji parnoki memetet (Luke 23:34).

Idakji maneni ozüng raksaba lira aser tashi mangaba lira, ibaji jungteptsüla. "Ni mapatem shidak inyaksü meranger, saka kü tsükchirtemi magizüker" ta asen sasa bilema asenoki tiplama alir. Tsüngrem Oi "Jungtepba alitsü merangang" ta mashir saka, "Jungtepang" ta ashir. Kar den na yimjung nüngdaka lir asü? Süra Tsüngrem ashiba ama inyakang.

Pope-i Haiti nung apuba nun tem chioktsü akhanger



January 22, 2024: Amongnü Pope Francis-i Haiti nung apuba nun trok den tangartem chiokang, ta takhangba agütsüogo.

Hokolbarnü Haiti yimtiba, Port-au-Prince nung prangpong amer telok kati bus ka nung nun trok densema nisung aika puer mejangjaba tesem kati anir ogo.

Pope Francis-i, "Haiti nung nun trok densema telok ka puer aoba osang ni angazükogo. Parnok chioktsü atema ni mepishiba den külemi iba linük nung yimjung atema ni sarasademtsür. Iba dak alia ni ajak dang rara anentsü mepishir, kechiyong iba linük nung rara ajanga nütsüng aika kanga timtemdar," ta metetdakja liasü.

Haiti nung telok balalai tashi raktepba ajanga tesüiba ita aika iba linük nung rarar.

Puer aoba nun temji Congregation of the Sisters of St. Anne nungi lir, ta Honibarnü Haitian Conference of the Religious-i metetdaksüogo.

UN statistics ajanga ashiba agi, 2023 küm Haiti nung prangpong amer telok balalai nisung 3,000 dak tema puer ogo.

Yaküm November ita nunga Haiti yimtiba nung Dr. Douglas Pape puer oa liasü. Pa chioktsü atema sen aika agütsüogo, ajisüaka tang tashi mechiker.

2021 küm October ita nunga US religious organization ka nungi nisung 17 apu saka ita ana sülenbo chioka liasü.

AO OSHI ANGAZÜKDAK:
TANÜ ANGAZÜKTSÜBA OJANG



Shisaben

(n) shisa akar aser temetetba aliba (intellectual)

* Tanü asen lima yimten nung shisaben nisung nungdaker.

Shisabolu

(v) temulung nung timtema bilemba (worryness)

* Tang Ukraine nunger shisabolu tia nung lir.

OLONG PAITEP # 6675

	1			2		3	4
5						6	
7		8					
						9	
	10						
11							12
				13			
				14			
15							

TIPIEN

- 1. Balaka - (5)
- 6. Aika shirangba - (4)
- 7. Tar tatsü - (6)
- 9. Nenü'er jabaso - (4)
- 10. Sen latettsüba - (7)
- 11. Tangar kübok alir - (4)
- 14. Lon nung inokba - (6)
- 15. Tzü ayimdak - (4)
- 16. Ajok - (5)

LANGTSÜNGLEN

- 2. Hai sür inyak - (4)
- 3. Aor tenüing ka - (6)
- 4. Ali telungi talangka lur - (5)
- 5. Tebang kenyongi mazüoker - (4)
- 8. Ken atema anenzükertem - (5)
- 9. Toktepa noktak - (5)
- 10. Sen - (6)
- 11. Benjong agi - (5)
- 12. Telung nung rizünga ayu - (4)
- 13. Tebang nung enok - (4)

OLONG PAITEP # 6674 TELANGZÜBA

TIPIEN :

- 1. Aben, 4. Artsü, 7. Lisem,
- 8. Liwa, 9. Sarasadem,
- 12. Aket, 14. Mangu,
- 15. Anünü, 16. Ango.

LANGTSÜNGLEN :

- 1. Aruli, 3. Balala, 5. Suwar,
- 6. Belem, 9. Sүjak,
- 10. Aonung, 11. Dokan,
- 13. Tinu.

NAI-A YA METETTER MA



World record yanglur Karbi tribal stilt walkers aser Karbi Anglong Autonomous Council tekolak Tuliram Ronghang nungeri 'certificate of acknowledgment' sayuba angur. Iba alima otsü tassen ya January 21 nü Assam kübok Karbi Anglong district nung yangluteta liasü. Nisung 721-i "longest line of people walking on stilts" otsü yanglutet aser parnoki minute 10 tashi kilometre 2 jajaa liasü. Diphu nung 50th Karbi Youth Festival nung Karbi Cultural Society ajanga iba sentong ayonga agi aser Guinness Book of World Record official adjudicator Rishi Nath-i kulikaket agütsü.

Arunachal CM Pema Khandu-i Upper Siang sema jajar



Itanagar, January 22, 2024

(Agencies): Arunachal Pradesh Chief Minister Pema Khandu-i anogo ananü atema Upper Siang district semdang.

Hombarnü Tuting nung CM Khandu-i Memba, Khamba, Adi, Mishmi aser Tangam nunger dang longjema alitsü aser arrtsülen terenlok atema külemi shilem agütsü ayongzük.

Tanep lokti senden nung ka nung jembidang "district anüdoklentip tsütsü alirtemi Tibet-China den international border lir aser putu aika tiptema dang lia arur, anungji iba tesentaktep meraksatsü merangtsüla" ta CM Khandu-i ashi.

"Upper Siang kübok Tuting administrative division ya nisung teimba meyoktepa aliba tesem ka lir. Yangi alir nisung shia balala aser pei sasa liteter. Nenok külemi tiptema aliba aser sobaliba temeyoktep aliba ya iba

district indang tamaitüsü lir" ta paisa ashi.

Centre sorkar indang 'Vibrant Village' scheme ajanga Tuting area nung temelenshi aika angutsü, ta CM Khandu-isa shisem.

Vibrant Villages Programme (VVP) ya 2023 küm Centrally Sponsored Scheme ka lir. Iba scheme ya Arunachal Pradesh kübok anüdoklentip tsütsü arrtsülen aliba district 19 den Himachal Pradesh, Sikkim, Uttarakhand aser Ladakh nung yimtsüngtem shimteta renlokdaktsütsü.

"Tawa Union Ministry of Home Affairs (MHA) ajanga Arunachal Pradesh nung iba scheme kübok gari lenmang kilometre 1022 lemozükja lir. Iba sentong kübok Arunachal Pradesh nung arrtsü yimtsüngtem teimba densemdaktsüba atema Modi'er sorkar dang kanga pelar" ta CM

Khandu-i ashi.

"Prime Minister Narendra Narendra Modi-i arrtsülen aliba yimtsüngtem yanglushitsüba atongtetba atema tenünsang agütsür. Gelling dang India nung yimtsüng tatembangba ta ajar aser iba ya Tuting sub-division kübok lir saka tanübo India tsütsü yimtsüng mezüngbuba kümogo" ta paisa metetdaktsü.

Local MLA aser Health Minister Alo Libang-ia district nung terenlok aika bentsür aruba atema sorkar nem tenünsang agütsü.

Yingkiong-Tuting lenmang yangluzükba sülen district nung tourism mapa aika inyaktsü, ta pai ashi.

Tanü MP Tapir Gao, MP Libang, MLA Kaling Moyong aser MLA Kento Jini nunger lia CM Khandu-i Tuting nung Nyigong River temdanga yangluba apu ka lapoktsü.

Mullam aser Shongphel nung poppy alu raksatsü

Imphal, January 22, 2024

(Agencies): January 22 nü Mullam aser Shongphel tenemkonglen sepaitem aser Forest Department külem telok kati poppy alu acre 30 shi raksatsüogo.

Manipur nung poppy lu ayimba anema mapa inyaka arur. Poppy ajanga opium aser

narcotics tapu aika yanglur.

Sepaitemisa hills aser valley districts nung lendong ataloktsü akok ta asüba tesemtem nung search operations aser area domination maparen inyaka liasü.

Manipur nung ketsangsurtemisa garitem tiptema senzütsü atema mapa

inyakdar. NH-37 nung gari 389 aser NH-2 nung gari 282 tashi sepaitemi nüka lia yokogo.

Manipur kübok district balala nung Nakas/Checkpoints 142 tashi lapoka lir aser item ya hill & valley regions ajungalen lir.

Iba dak sendakba nung police-i district balala nung nisung 158 puogo.

Manipur kübok Chandel nung sepaitemi süng aika apu

Imphal, January 22, 2024

(Agencies): Manipur kübok Chandel district nung Assam Rifles sepaitemi truck gari ana nung ozüngi memelaba süng bena aliba apu.

Assam Rifles sepaitemi apuba süng indang jenjangji regional market nung Rs 5 crore shi alang liasü.

Osang tejangja kar angazükba sülen Assam Rifles sepaitemi January 21 nü Wangparal Hills nung mobile vehicle checkpoint ka mendanga ata.

Nikongdang 12:30 ako meta truck gari ana (MN 04 5674 & MN 04 8988) nung süng bener aruba sot aser iba dak sendakba

nung nisung 5 apu.

Parnok dang asüngdangya asüdag süngji Chandel kübok Liwa Khullen nungi Kakching district kübok Wagabai-i bener aoba liasü ta langzü.

Nisung pungu den külemi garitem aser süng ajak forest ketdangsur ket nung agütsüogo.

GOVERNMENT OF NAGALAND
DIRECTORATE OF HEALTH & FAMILY WELFARE
NAGALAND: KOHIMA

NO.DUFW-S/TRG/STIPEIVDMISC/2019/ / Dated, Kohima the Jan 2024

NOTIFICATION ON ONLINE SCHOLARSHIP SCHEME

It is hereby notified to all the students and institutions that the online submission under common Scholarship portal of Health & Family Welfare Department is hereby extended till 31st of January, 2024 under URL <https://scholarship.nagaland.gov.in>

Sd/- (Dr.RITUTHURR)
Principal Director
Directorate of Health & Family Welfare
Nagaland: Kohima.

US nung asükwa yipru agi nisung 90 dak tema süogo



Washington, Aenjeti/January 22 (Agencies): United States nung tesüiba hopta asükwa yipru tesashi agi kongshiba ajanga tzüngsang-mopung dak sendakba nung nisung 90 dak tema süogo.

Asürtem ya Tennessee nung 25 aser Oregon nung 16 lir, kong rer yipru aruba sülen state of emergency sangdonga lir.

Nisung meyirijang aika power mali timtemteper aser anogo ishika tsüngta rer alaba tajemba akumtsü imlar.

Tesüiba hopta linük nung tzüngsang-mopung dak sendakba nung nisung 92 asüba osang lir, ta CBS ajanga ashir.

Tennessee aser Oregon nung asür timba lir, saka Mississippi, Illinois, Pennsylvania, Washington, Kentucky, Wisconsin, New York, New Jersey aser danga lena asüba lir.

Taoba Bodhbarnü Portland, Oregon nung mopung tesashi aonba ajanga power line laoa

gari ka nung züklok aser nisung asem light agi puseta asü. Iba gari nung kinü tanur ka aliba ajibo kumzüük.

Dangartem asüba indang bushisüngdangba mapang lir aser item rongnung Kentucky nung gari pongu tsüktepa nung nisung ka asüba aser Illinois nung ka asüba dena lir.

Seattle nung anogo pezü tsüngta nisung pongu asü aser parnok ya timba talidak ki makartem asütsü südi ta bilemer, ta Associated Press ajanga ashi.

Mississippi nung tzüngsang majungba mechi ketdangsur temi gari anirtem dang nüngdak nung dang gari anitsü aser lenmang nung 'black ice' reprangshimtsü ashi. Tzüngsang majungba ajanga college aser university tem nung kaketshirtem mongpu sodi aoba meyipa arutsü menur.

Iba state nung Deobarnü nisung asem asüba sangdongba sülen asür ajak agi 11 kumogo. US southern tsütsü yimtitem

nung aliba restaurants aser bar nung Deobarnü tzü ya bottle amshia agüka liasü aser kar shibang.

Tzüngsang majungba ajanga US nung tesem timba nung raksar aliba electricity yanglushiogo, saka nisung meyirijang aika power mali timtemer.

Deobar nikongdang tashinung Oregon kija nunga nisung 45,000 tashi power mali liasü. Pennsylvania, California, New Mexico aser Indiana nunga power maliba osang lir.

National Weather Service ajanga Arkansas aser Oklahoma nunga Hombarnü atema 'ice storm warning' agüja lir aser Hombarnü linük tesem tuluba nung gari anitsü tasak alitsü.

Iba sülen mopung talem aser tzünglu ajanga Midwest aser north-eastern US nung tzümetsüng adoktsü ta tzüngsang mopung takzür temi ashir.

Donetsk nung nisung 27 pokset, Russia-i Ukraine dak tai tongloksür

Donetsk, Aenjeti/January 22 (Agencies): Russia-i amokbanga aliba Donetsk yimti tezülen shishilempaba tesem ka nung injang tulu khaloktsüba ajanga nisung 27 asü aser 25 yiru, ta yangji alirtemi ashir.

Donetsk nung Moscow-i shimba ketdangsurtem rongnung tekolakba, Denis Pushilin-i Tekstilshchik tesem amakba Ukraine mitkar tenüng asen.

Iba tesem nung anüolen Kurakhove aser Krasnohorivka tsütsü nungi 155mm calibre aser 152mm calibre artillery amshia amak, ta Pushilin-i ashi.

Pai Hombarnü mangyimtsü sangdong.

"Kyiv yimli-i iba ama kiralongra mapa inyakba ajanga yimya tajung nung iba rara angatettepa yimjung bener arutsü tejangraba yimsüsür dak maliba sayur," ta Russia indang Ministry of Foreign Affairs ajanga sangdong ka nung ashi.

Ukraine nungibito tang tashi telangzüba kecha agüja mali. Ukraine kübok Donetsk yimti nung tanü amakba densema civilian ser civilian

indang ki o jen amakba ajunga United Nations Secretary-General Antonio Guterres-i khukhua aitsür aser iba ama amakba ya international humanitarian law kübok nokdanga lir, ta UN odongtar kati ashi.

Ukraine Tir Volodymyr Zelenskyy-i aonungshi video ajanga jembiba nung Tekstilshchik indang mesüok saka anogo ka nung Russia nungeri Ukraine indang region toku nung aliba yimti, jila aser yimtsüng 100 dak tema nung injang tulu amshia amak aser Donetsk region nung tesashiba amak ta ashi.

Tavria mesüra southern zone nung aliba Ukraine sepaitemi Facebook post ka nung par kübok aliba sepaitemibo shishilempaba tesem mamak ta ashi.

"Donetsk ya Ukraine lir! Ukraine nunger takum agiba atema Russia-i telangzüba agütsüsüla," ta ashi.

Moscow-i yariba separatists temi 2014 küm nungi Ukraine southeast tsütsü Donetsk aser Luhansk region ya amokbanga

lir, koba dang Donbas ta ajar.

Russia Tir Vladimir Putin-i tashi ajak amshia February 2022 nungi Ukraine amaktsü mapang tatsüka lia Donbas ya tesem balaka lir ta ashi aser September 2022 nung Russia-i Ukraine indang region pezü rakzükba nung dena lir, koba United Nations General Assembly nung aitsü.

Russia indang Ministry of Defence ajanga, par linük sepaitemi Ukraine northeast tsütsü Kharkiv region nung Krokmalne yimtsüng agiogo, ta Deobarnü ashi.

Ukrainian Ground Forces Command indang odongtar Volodymyr Fityo-ia iba tesem nungi Kyiv sepaitem ainshio go ta osangbener dang shia liasü.

Fityo-i ashiba agi, Russia-i February 2022 nungi tenzüka amak metenzükdang Krokmalne nungya nisung 45 liasü.

Russia-i Ukraine nung rara tenzüker küm ana tajunger, aser Moscow aser Kyiv sepaitemi asükwa tepiyong front line kilometre 1,500 shi aliba nung maneni rarar.

Mulungnen O



LATONGTEMJEN OZUKUM
18.08.1952 | 17.01.2024

Onoki teti meima aliba Obala LATONGTEMJEN OZUKUM (Molungkimong), ajungbena iba akümüli toktsür aoba mapang kija, kibong, arogo, yimten aser temeimertem kwikati ozü asükho nung sasaradem, nübu, rongsen aser shisatsü agi yaritepogo, nenok ajak dang kanga pelaba lemsateper. Nenok kija shia dang ozüi pelaba meshitetaka nenok temeim mapa tajung onoki kodanga mamatsü. Teyanglur Tsüngremi nenok ajak moajangma.

Temeim Jalatem aser Kinungertem.

Hamas-i rara anentsü atema onük kar benokba Netanyahu-i magizük



Hamas telungpuri Gaza Strip nung pua aliba Israel nunger kinunger temi pua alirtem chiokang ta takhangba agüja Jerusalem nung Israel Ato Kilonser Benjamin Netanyahu'er kima lenmang nokdang sükü yanglua yangji longkak aitba angur.

Jerusalem, Aenjeti/January 22 (Agencies): Hamas puri Israel nunger sepaitem anitsü aser parnoki pua alirtem chioktsü aser Hamas pur ya Gaza yimsüsürtem ta agizükba melena rara tembangdaksütsü aser parnoki pua alirtem chioktsü benokba Israel Ato Kilonser Benjamin Netanyahu-i magizük.

Netanyahu, shiba dang kidang Hamas puri pur oa alirtem anir arutsü atema kanga nongshidar, pai ashiba agi, Hamas puri benokba onük agizükba tetezür iba telok maneni masetshi-i toktsütsü aser Israel nunger sepaitem amajok nung taküm tenlaba ka dang akümütsü.

"Hamas puri benokba onüktem ni khenyongi magizüker," ta Netanyahu-i Deobarnü ashi.

"Onoki iba ya agizükra onüki nüburtem kümzüka lir ta tejangja meshitettsü. Onoki evacuees tem tekümüzüka kübok anir marutettsü aser October 7 nü atalokba ama mapang tatsüka tsüngda ataloktsü," ta lenir yagi ashi.

Netanyahu-i, Palestine nem nüjiso agütsütsü anemba nenshia metetdaksüoigo aser ashiba agi, pai Jordan anüolen tesem ajunga Israel-i dang azüoktsü ashi iba dak alaka tanga kecha magizüktsü.

Netanyahu lenla balala nungi

nongshia arudar aser kasa mapang nung Hamas puri pur orr aliba kinungertemi parnok adianutem meyipa anir arutsü atema jenjang tapet agitsü akhanger aser ano külen pai aniba ruling coalition züngsemtemi jenjang tesashiba agitsü nongshiba den US tir Joe Biden indang administration den onük kar nung mangatettep tali kuma odar.

Deobarnü nikongtsütsü Hostages and Missing Families Forum-i Jerusalem nung Netanyahu'er kima longka ait aser pur orr alirtem anir arutsü atema inyakteptsü ta tenangzükba magütsü tashi toktsür maotsü ta khanga parnok nokdaka liasü.

"Ato Kilonseri pur orr alirtem bendanga agütsütsü telemtetba agira pai ochishia Israel nunger tem nem metetdaksütsüla," ta iba telok yagi ashi.

Taoba küm November ita Egypt, Qatar aser US teyongtsüi ia tenangzüktepa ka yangluba sülen Palestine nunger tepuoker 240 melena Hamas puri Israel nunger 100 chioka liasü.

Hamas puri ano nisung 136 mechioki lir, ta Israel nunger ketdangsurtemi ashi.

Israel-i Hamas pur samatsütsü tenangzükba agütsür Gaza amak tenzüka sülen Palestine nunger 25,105 tepsetogo.

1buba Inter-Ethnic Community Tug of War Championship Advisor Keoshu-i lapoktsütsü



Dimapur, Aenjeti/January 22 (TYO): Advisor Youth Resources & Sports, Nagaland S Keoshu Yimchunger-i January 30 nü DDSC stadium nung 1buba Inter-Ethnic Community Tug Of War Championship cum Ethnic Community Food Festival lapoktsütsü.

Anogo ka asayatsü aliba asayamung ya Western Chakhesang Youth Organization (WCYO) aser Nagaland Tug of War Association (NToWA) na longjemer ayongzükogo, kong Assam, Rifles, Nagaland Police,

CRPF aser BSF densema team 42-i shilem agiba angutsü.

Iba sentong nung tetushi tejaokerji Major General, Vikas Lakhera, Sena Medal, IGAR North, Kohima asütsü.

Hombarnü osangbenertem den sensaksemba mapang WToWA tir Dr. Er. Vekho Swuro-i ashiba agi, iba asayamung ayongzüka asayaba nukjidongji mangdang ulushir linük nung kin o kin aser telok balala tsüngda telongjem nung kati ka taoba ta züngshitepba ajungkettsü atema lir. Iba sentong ajanga

nüburtem tsüngda tesendaktep tajungba kümdaktsütsü.

Paisa, Chiyongtsü koba ajanga nüburtem longjemdaktsüba nung tongibang shilem agir iba ya iba sentong omen 'Oneness on the rope of peace' den kanga puteper ta ashi.

Tetoktepba nung shilem agitsü atema tenüng züngoksemtsü asoshi tatemangbuba anogoji January 27 asütsü aser fixture ya kasa anogo 3:00 ako nung Hotel Saramati, Dimapur nung draw asütsü.

Paris Olympic nung India hockey team Pool B nung ata lir

Aenjeti/January 22, 2024 (Agencies): FIH Hockey Olympic Qualifiers tembangba sülen International Hockey Federation (FIH)-i, Paris 2024 Olympic hockey asayamung atema pool tem sangdongogo.

India team shirnoki Tokyo nung küm 41 sülen otsütsüsa bronze medal ngua liasü parnok reigning Olympic champions aser world no.2 Belgium, Australia, Rio Games gold medallist Argentina, New Zealand aser Ireland den pool B nung ata lir.

India team tang world rankings nung tasembuba nung lir. Parnok Belgium aser Netherlands sülen tasembuba nung lir aser parnoki taoba mapang Tokyo silver medallist Australia aser Argentina kanga

saka-ang kokogo mesüra mekoki aruogo.

Tebur pool

Pool A: Netherlands, Germany, Great Britain, Spain, France and South Africa

Pool B: Belgium, India, Australia, Argentina, New Zealand and Ireland

Tetsürtem asaya nung takübo India team masayatsü kechiyong parnok qualify mesütet. Tokyo nung asayaba mapangbo parnok pezübuba nung tembanga liasü, ajisüaka Ranchi nung Hokolbarnü Olympic Qualifiers asayaba mapang Japan goal 0-1 agi makokba sülen India tetsür team qualify mesütet.

Tetsür pool

Pool A: Netherlands, Belgium, Germany, Japan,

China and France

Pool B: Australia, Argentina, Great Britain, Spain, United States and South Africa

Team tem ya 21 January 2024 nü 23:59 CET nung FIH World Rankings dak ajemdaker lemsatsüogo.

Pool A: teams ranked 1st, 4th, 5th, 8th, 9th aser 12th

Pool B: teams ranked 2nd, 3rd, 6th, 7th, 10th aser 11th

Tetsür aser tebur team teranana Olympic Games atema qualify süogo. Pool ajak nung temaba jenjang nung tembangba team pezüzü quarterfinals atema qualify asütsü.

Paris Olympics ya July 26 nungi August 11 tashi asayatsü aser hockey tetoktepba ya July 27 nungi August 9 tashi asayatsü.



South Korea, Gangneung of G a n g w o n Province nung 2024 Gangwon Winter Youth Olympic Games lapokba sentong nung South Korea nungi asayar Lee Jeong-min-i m i l e n tsükloktsüba noksa nung angur. Iba Olympic nung asayar 1,900 shi-i shilem agia asayataki.

Nagaland Olympic Association senden menogo

Dimapur, Aenjeti/January 22 (TYO): Nagaland Olympic Association (NOA)-i ayongzüka January 22 nü Chumukedima district kübok Games Headquarters nung 11:30 ako nungi tenzüka kanga tongtibang senden ka menogo. Iba senden nung taruba Nagaland Olympic & Paralympic Games 2024 atema sensaksemogo, koba February 12 nungi 17 tashi Dimapur aser Chümoukedima district nung asayatsü.

Senden nung Sports Associations, Nagaland Olympic Associations ketdangsürtem aser iba asayamung Chef de Missions, Deputy Chef de Missions tenüng nung nisung 70-i shilem agia liasü.

Iba asayamung nung asaya 15 asayatsü kong Archery, Athletics, Badminton, Basketball, Boxing, Cricket, Football, Lawn Tennis, Pencak Silat, SepakTakraw, Table Tennis, Taekwondo, Volleyball, Wrestling, Belt Wrestling aser Wushu densema lir.

State nung asayamung tulutiba atema district 16 prongla medal 161 atema renemdar. Asaya 15 ya Dimapur aser Chumukedima district nung Sports Arenas pezü, Sports

Complexes aser facilities teku nung asayatsü. Games Village ya Chumukedima district kübok Regional Centre for Sporting Excellence nung amenoktsü.

Tanga regional aser national asayamungtem den jangyu medema iba asayamung ya shilem ana küma lemsatsü aser iba dak ajemdaker asayamung nung shilem agirtem nem tanendak, chiyongtsü aser logistics agütsütsü.

Football amala asaya karbo jelia tenzüksü.

Sports association aser district team tem dang wako 10 agütsütsü metetdaktsüogo. District ajak dang asayamung lapokba aser shibangba sentong atema parnok wako amer indang osang tejangja agütsütsü metetdaktsüogo. Iba sentong ya live sayutsü aser iba ajanga Nagaland Olympic & Paralympic Games 2024 yagi nisung timba tongtettsü. District ajak dang senotsü tetsükdaktsü makai tsütateptsü atema bank details benkoktsü metetdaktsüogo.

Nagaland Olympic Association-i parnok lenla ajak nung nongita yariba atema kanga pelaba lemsatepba den nüburtem dang maneni tejak dangi arua teka amteper inyaktsü ayongzükogo.

Australian Open: Zverev, Medvedev & Alcaraz quarter-i iogo

Aenjeti/January 22, 2024 (Agencies): Hombarnü Australia Open tebur kija asaya nung Alexander Zverev aser Britain nunger asayar Cameron Norrie na set pongu kanga toktepa asayar Zverev-i koka quarter-finals-i iogo.

Germany nunger asayar yagi iba asaya7-5, 3-6, 6-3, 4-6, 7-6 (10/3) agi kokogo aser pa quarter nung second seed asayar Carlos Alcaraz den asayatsü. Zverev aser Norrie na ghonda pezü dak tema asaya liasü.

Hombarnüsa Spain nunger asayar Carlos Alcaraz-i kanga junga asaya Serbia nunger asayar Miomir Kecmanovic straight-sets nung koka Australian Open tebur kija asaya quarter-final tongtetogo.

Alcaraz ya defending champion Novak Djokovic atema tetoktepertem rongnung

tajungtiba ta züngshir aser Hombarnü asaya nung Miomir-i pa indang serve break asütsü asoshi khen danga maongka mongui pai iba asaya 6-4, 6-4, 6-0 agi ghonda ka sür minute 49 nung koka liasü.

Hombarnü asaya nung pai indang first-serve points 83 percent liasü aser pai break point teku anguba pongu akok aser winner 43 ngua liasü.

Australian Open ya Alcaraz aser Djokovic atema temaba jenjang asoshi toktepba asayamung ka lir.

Tebur kija asaya nungsa Daniil Medvedev-i Nuno Borges koka quarter-i iogo.

Hombarnü Medvedev-i 6-3, 7-6 (4), 5-7, 6-1 agi Nuno Borges koka quarter-i iogo. Pa quarter nung No. 9 Hubert Hurkacz mesüra France nunger wild-card entry Arthur Cazaux den asayatsü.

BILEMDANGANG

"Nüburtemi nü nübu teti dangbo menungdaktsü."